

**MINISTARSTVO ZDRAVSTVA
ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 64. stav 5. alineja 3. i stav 8. Zakona o zdravstvenoj zaštiti („Sl. novine FBiH“, broj: 46/10 i 75/13), člana 8. Odluke o utvrđivanju standarda i kriterija za konačna imenovanja na pozicije u regulirane organe – prečišćeni tekst, broj: 01-50/13 od 18.02.2013. godine i broj: 01-178/13 od 20.06.2013. godine i člana 23. 24. i 25. Statuta JU „Dom zdravlja“ Vareš – prečišćeni tekst – broj: 19-02-719/17 od 13.06.2017. godine, Ministarstvo zdravstva Zeničko-dobojskog kantona objavljuje

JAVNI OGLAS

**za izbor i imenovanje kandidata na poziciju člana Upravnog odbora Javne ustanove
„Dom zdravlja“ Vareš, predstavnika Ministarstva zdravstva Zeničko-dobojskog
kantona**

Objavljuje se Javni oglas za izbor i imenovanje kandidata na poziciju člana Upravnog odbora Javne ustanove „Dom zdravlja“ Vareš, predstavnika Ministarstva zdravstva Zeničko-dobojskog kantona.

Opis pozicije

Djelokrug rada Upravnog odbora propisan je članom 65. Zakona o zdravstvenoj zaštiti („Sl. novine FBiH“, broj: 46/10 i 75/13) i članom 25. Statuta JU „Dom zdravlja“ Vareš – prečišćeni tekst – broj: 19-02-719/17 od 13.06.2017. godine.

Upravni odbor je nadležan za donošenje Statuta zdravstvene ustanove, imenovanje i razrješenje direktora, utvrđivanje planova rada i razvoja zdravstvene ustanove, utvrđivanje godišnjeg programa rada, donošenje finansijskog plana i usvajanja godišnjeg obračuna, donošenje općih akata o unutrašnjem uređenju i sistematizaciji poslova i drugih općih akata u skladu sa zakonom i statutom zdravstvene ustanove, odlučivanje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjeravanje, kontrolisanje i ocjenjivanje rada direktora, rješavanje svih pitanja odnosa sa osnivačem, odlučivanje o korištenju sredstava preko iznosa utvrđenog statutom zdravstvene ustanove, odgovoran osnivaču za rezultate rada zdravstvene ustanove, odlučivanje o prigovoru zaposlenika na rješenje kojim je drugi organ, određen statutom zdravstvene ustanove odlučio o pravu, obavezi i odgovornosti zaposlenika iz radnog odnosa, podnošenje osnivaču najmanje jedanput godišnje izvještaja o poslovanju zdravstvene ustanove, obavljanje i drugih poslova u skladu sa zakonom i statutom zdravstvene ustanove.

Imenovanje kandidata na poziciju člana Upravnog odbora Javne ustanove „Dom zdravlja“ Vareš, predstavnika Ministarstva zdravstva Zeničko-dobojskog kantona, vrši Općinsko vijeće Vareš, na prijedlog Ministarstva zdravstva Zeničko-dobojskog kantona, koji će Općinskom vijeću dostaviti općinski načelnik.

Mandat imenovanog člana Upravnog odbora Javne ustanove „Dom zdravlja“ Vareš, predstavnika Ministarstva zdravstva Zeničko-dobojskog kantona, traje četiri (4) godine uz mogućnost ponovnog izbora.

U skladu sa članom 6a. Odluke o utvrđivanju standarda i kriterija za konačna imenovanja na pozicije u regulirane organe – prečišćeni tekst, broj: 01-50/13 od 18.02.2013. godine i broj: 01-178/13 od 20.06.2013. godine, član Upravnog odbora Javne ustanove „Dom zdravlja“ Vareš, predstavnik Ministarstva zdravstva Zeničko-dobojskog kantona ima pravo na mjesečnu naknadu, koja se isplaćuje iz sredstava zdravstvene ustanove.

Kandidat za izbor i imenovanje na poziciju člana Upravnog odbora Javne ustanove „Dom zdravlja“ Vareš, predstavnika Ministarstva zdravstva Zeničko-dobojskog kantona, mora ispunjavati opće i posebne uvjete.

Opći uvjeti za imenovanje

1. da je državljanin Bosne i Hercegovine,
2. da je stariji od 18 godina i da nije stariji od 65 godina na dan imenovanja,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13),
6. da nema privatni – finasijski interes u zdravstvenoj ustanovi u čiji se upravni odbor kandiduje,
7. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08),
8. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne i
9. da mu nije izrečena zaštitna mjera zabrane obavljanja aktivnosti u instituciji u koju se kandiduje, tri godine od dana pravosnažnosti odluke o izrečenoj zaštitnoj mjeri.

Posebni uvjeti za imenovanje

1. najmanje viša stručna sprema zdravstvenog, pravnog i ekonomskog smjera,
2. pet (5) godina radnog iskustva,
3. da nije predsjednik ili član Nadzornog ili Upravnog odbora u drugom pravnom licu sa većinskim državnim kapitalom,
4. komunikativne i kreativne sposobnosti za savjesno, odgovorno i odlučno vođenje upražnjene pozicije,
5. sposobnost nepristrasnog donošenja odluka,
6. prilagodljivost timskom radu,
7. sposobnost tumačenja ekonomskih, tehnoloških i pravnih analiza i propisa,
8. rezultati rada tokom predhodnog radnog angažovanja,
9. preporuke ranijih neposrednih rukovodilaca i
10. poželjno poznavanje stranih jezika prema prirodi poslova koje treba obavljati.

Potrebni dokumenti

Prijave kandidata na oglas treba da sadrže: kraću biografiju, adresu i kontakt telefon.

Uz prijavu je potrebno dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. izvod iz matične knjige rođenih,
2. uvjerenje o državljanstvu,
3. diploma,
4. uvjerenje o radnom iskustvu,
5. potpisane i ovjerene izjave od strane nadležnog organa iz tačke 3. 4. 5. 6. i 7. Općih uvjeta za imenovanje i tačke 3. Posebnih uvjeta za imenovanje.

Dokaz da kandidat nije osuđivan za krivično djelo, nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne, Ministarstvo zdravstva će pribaviti po službenoj dužnosti od nadležnog ministarstva unutrašnjih poslova, za kandidate koji uđu u uži izbor.

Sa kandidatima koji uđu u uži izbor Komisija će obaviti intervju. Prije intervjuja kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o njihovom dosadašnjem radu i dužni su popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Općinskom vijeću Vareš, u roku od sedam (7) dana od dana imenovanja, a kopija se dostavlja Ombudsmenu za ljudska prava BiH.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojski kanton – Ministarstvo zdravstva, Kučukovići 2, 72000 Zenica, sa naznakom: „ZA IMENOVANJE NA POZICIJU ČLANA UPRAVNOG ODBORA JAVNE USTANOVE „DOM ZDRAVLJA“ VAREŠ, PREDSTAVNIKA MINISTARSTVA ZDRAVSTVA ZENIČKO-DOBOJSKOG KANTONA – NE OTVARATI“.

Oglas ostaje otvoren 14 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine“ i u dnevnom listu „Dnevni avaz“.

Neblagovremene i nepotpune prijave neće se razmatrati.